

STATUTI I

“Koalicioni i OJQ-ve për Mbrojtjen e Fëmijëve”

Përbajtja:

KREU I: DISPOZITA TË PËRGJITHSHME.....	3
NENI 1 – PARIME THEMELORE	3
NENI 2 – EMRI, FORMA DHE ADRESA	3
NENI 3 – THEMELUESIT	3
NENI 4 – MISIONI	4
NENI 5 – VLERAT E PËRBASHKËTA.....	4
NENI 6 – OBJEKTIVAT	5
KREU II: STRUKTURA E BRENDSHME DHE FUNKSIONIMI I KOALICIONIT.....	6
NENI 7 – STRUKTURA E KOALICIONIT	6
NENI 8 – ASAMBLEJA E PËRGJITHSHME.....	6
NENI 9 – MBLEDHJET E ASAMBLESË SË PËRGJITHSHME	6
NENI 10 – KOMPETENCAT E ASAMBLESË SË PËRGJITHSHME	7
NENI 11 – BORDI EKZEKUTIV	7
NENI 12 – PËRGJEGJËSITË E BORDIT EKZEKUTIV	8
NENI 13 – PRESIDENTI.....	8
NENI 14 – ZYRTARËT DHE NËPUNËSIT	8
KREU III: ANËTARËSIMI	9
NENI 15 – ANËTARËSIMI	9
NENI 16 – DORËHEQJA	9
NENI 17 – PËRFUNDIMI DHE MBROJTJA E ANËTARËSIMIT	9
NENI 18 – TË DREJTAT E PËRGJEGJËSITË E ANËTARËVE TË KOALICIONIT.....	9
KREU IV: RREGULLIMI EKONOMIK I KOALICIONIT.....	10
NENI 19 – FINANCIMI I KOALICIONIT	10
NENI 20 – ADMINISTRIMI I FINANCAVE.....	10
NENI 21 – PERIUDHAT E RAPORTIMIT DHE VITI FINANCIAR	10
KREU V: SHPËRBËRJA	11
NENI 22 – SHPËRBËRJA E ORGANIZATËS.....	11
NENI 23 – NDRYSHIMET E STATUTIT	11

KREU I: DISPOZITA TË PËRGJITHSHMENeni 1 – Parime themelore

- 1.1. Ky statut do të qeverisë shoqatën jo- profitabile "**Koalicioni i OJQ-ve për Mbrojtjen e Fëmijëve**", të themeluar në pajtim me Ligjin Nr. 03/L-134 Për Lirinë e Asociimit në Organizatat Joqeveritare në Republikën e Kosovës.

Neni 2 – Emri, forma dhe adresa

- 2.1. Organizata do të quhet "Koalicioni i OJQ-ve për Mbrojtjen e Fëmijëve".
- 2.2. Ajo mund të njihet edhe si **KOMF**.
- 2.3. Organizata është shoqatë jo-për përfitim, sipas definimit të dhënë në nenin 5.2 dhe 6 të Ligjit Nr. 03/L-134 Për Lirinë e Asociimit në Organizatat Joqeveritare në Republikën e Kosovës.
- 2.4. Organizata nuk do të bëjë shpërndarjen e çfarëdo fitimi neto ose të profitit si të tillë për asnjë individ. Pasuria, të ardhurat profiti i organizatës do të përdoren për të mbështetur qëllimet joprofitabile të organizatës dhe nuk do të përdoren për të krijuar beneficione të veçanta individuale, qoftë në mënyrë të drejtpërdrejtë apo indirekte për asnjërin nga themeluesit, drejtorin, nëpunësin, ndonjë anëtar të shoqatës, ndonjë të punësuar apo donator të OJQ-së. Megjithatë pagesa e kompensimit të arsyeshëm për këta persona mund të bëhet për punën që këta persona kanë bërë për këtë organizatë.
- 2.5. Ndonjë transaksion në mes të anëtarëve, anëtarëve të Bordit Ekzekutiv, personi ose nëpunësi dhe koalicionit duhet të mbyllet në vlera reale të tregut ose në kushte që janë më të favorshme për organizatën.
- 2.6. Koalicioni e ka zyrën e saj qendrore në: Rruga Rrustem Statovci, Nr. 11/2, 10000 Prishtinë.

Neni 3 – Themeluesit

- 3.1. Themelues të koalicionit janë:

Organizatat:	Përfaqësuesi i autorizuar
<ul style="list-style-type: none"> • <i>Ai.Bi. – Associazione Amici Dei Bambini</i> Rr. Tahir Zajmi p.n, Qendra " Don Bosco", Prishtinë 	<i>Ibadete Krasniqi</i>
<ul style="list-style-type: none"> • <i>Assosiation for Social Training, Research and Advocacy</i> Rruga Enver Maloku, nr 10 Prishtinë 	<i>Gani Lluga</i>
<ul style="list-style-type: none"> • <i>Iniciativa 6</i> Rr. Jusuf Gervalla pn, Tregu i Gjelbert Lokali nr 11, Prizren 	<i>Osman Osmani</i>
<ul style="list-style-type: none"> • <i>One To One – Kosova – Qendra e Këshillimit për Familje</i> Rr. Sahat Kulla, Nr 65, Prizren 	<i>Merita Halitaj</i>
<ul style="list-style-type: none"> • <i>Organizata Rinore Akti</i> Rruga e Pejës Nr 64, Fushë Kosovë 	<i>Rexhep Gojnovci</i>
<ul style="list-style-type: none"> • <i>Qendra për Mbrojtjen e Viktimave dhe Parandalimin e Trafikimit të Qenjeve Njerzore</i> Lipjani 6, Dragodan 2 Prishtinë 	<i>Hamijet Dedolli</i>
<ul style="list-style-type: none"> • <i>Shpresa dhe Shtëpitë e Fëmijëve Kosovë</i> Rruga Rexhep Shema, Nr.15, Prishtinë 	<i>Valbona Qitaku</i>

- **Terre des hommes**
Rruga Aktash 1, Nr 8, 10000 Prishtinë

Artur Marku

- **World Vision International**
Rruga Mujo Ulqinaku, Nr 1, 10000 Prishtinë

Jason Evans

- 3.2. Përfaqësues i autorizuar i koalicionit në Kosovë është *Donjetë Kelmendi, me adresë Matiqan, pa numër, 10000 Prishtinë.*
- 3.3. Përfaqësuesi i autorizuar emërohet nga Asambleja e Përgjithshme dhe duhet të përfaqësojë koalicionin në Kosovë dhe pranojë të gjitha shkresat zyrtare në emër të koalicionit. Ai ose ajo duhet të jetë përgjegjëse për informimin e autoriteteve relevante administrative për çfarëdo ndryshimi në koalicion.

Neni 4 – Misioni

- 4.1. Koalicioni është themeluar me qëllim të mbrojtjes, respektimit, mirëqenies dhe avancimit të të drejtave të fëmijëve. Kjo realizohet nëpërmjet lobimit dhe avokimit për promovimin dhe zhvillimin e të drejtave të fëmijëve sipas KDF-së.

Neni 5 – Vlerat e Përbashkëta

- 5.1. Organizatat e Koalicionit ndajnë këto vlera të cilat do i promovojnë në aktivitetet e tyre:
 - Të drejtat e fëmijëve të garantuara sipas Konventës Ndërkombëtare për mirëqenien e përgjithshme të zhvillimit të fëmijëve.
 - Respektimi dhe përkushtimi për të drejtën e mbrojtjes së fëmijëve nga të gjitha format e abuzimit, neglizhimit, si dhe sigurimi i mundësive të barabarta për të gjithë fëmijët në sferën e sistemit të mbrojtjes së tyre.
 - Përkushtimi për parandalimin e trafikimit, mbrojtjen e viktimave të trafikimit.
 - Rehabilitimi dhe ri-socializmi i fëmijëve që janë viktime të trafikimit dhe formave të tjera të abuzimit.
 - Promovimi i strehimit familjar.
 - Respektimi dhe krijimi i mundësive për pjesëmarrjen aktive të fëmijëve në procesin e vendim-marrjes për çështjet që kanë të bëjnë me ta.
 - Vetëdijësimin e opinionit për çështjet e lypësisë, punën e rëndë të fëmijëve, migrimin e pasigurt, braktisjen e fëmijëve, nevojat e fëmijëve me aftësi të kufizuar, shfrytëzimin e fëmijëve në çfarëdo forme dhe referimin e tyre në organet relevante.
 - Promovimi i qëndrueshmërisë së modeleve dhe praktikave të reja për mbrojtjen e fëmijëve.
 - Mundësia e qasjes së barabartë në shërbimet ekzistuese për fëmijët me nevoja të veçanta, fëmijëve të varfër, fëmijëve nga grupet e marginalizuara, të braktisur, fëmijëve të strehuar, fëmijëve të keqtrajtuar etj.

Neni 6 – Objektivat

- 6.1. Nxitja e miratimit të ligjeve dhe politikave për fëmijët.
- 6.2. Monitorimi i zbatimit të ligjeve dhe politikave kombëtare për fëmijët.
- 6.3. Sensibilizimi dhe mobilizimi i autoriteteve shtetërore relevante në nivel lokal dhe nacional, sensibilizimi i ofrueseve të shërbimeve dhe i aktorëve të tjerë në çështjet e mbrojtjes së fëmijëve.
- 6.4. Rritja e vetëdijesimit tek opinioni i gjerë për çështjet e mbrojtjes së fëmijëve pa dallim.
- 6.5. Rritja e pjesëmarrjes së fëmijëve dhe të gjitha grupeve që janë më të ekspozuara ndaj shkeljes së të drejtave të fëmijëve.
- 6.6. Krijimi i hapësirave për zhvillimin e praktikave më të mira, në fushën e të drejtave të fëmijëve, dokumentimi dhe ndarja me të gjithë anëtarët e koalicionit.
- 6.7. Fuqizimi i kapaciteteve të koalicionit, veçanërisht fuqizimi i organizatave lokale dhe organizatave të bazuara në komunitet.

Statuti i “Koalicioni i OJQ-ve për Mbrojtjen e Fëmijëve”

Neni 7 – Struktura e Koalicionit

- 7.1. Koalicioni i OJQ-ve për mbrojtjen e fëmijëve do të funksionojë duke u bazuar në strukturat drejtuese si vijon më poshtë:
 - Asambleja e Përgjithshme
 - Bordi Ekzekutiv
- 7.2. Funksionet dhe kompetencat e këtyre strukturave do të jenë të elaboruara në nenet më poshtë.

Neni 8 – Asambleja e Përgjithshme

- 8.1. Asambleja e Përgjithshme është organi më i lartë vendimmarrës.
- 8.2. Asambleja e Përgjithshme përbëhet nga përfaqësuesit e të gjithë organizatave anëtare të koalicionit.
- 8.3. Asambleja e Përgjithshme ka përgjegjësinë më të lartë për politikën dhe çështjet financiare të koalicionit.
- 8.4. Çdo organizatë anëtare e koalicionit ka të drejtë të dërgojë vetëm një përfaqësues në Asamblenë e Përgjithshme.
- 8.5. Çdo organizatë anëtare ka të drejtën vetëm të një vote.
- 8.6. Asambleja e Përgjithshme është gjithashtu përgjegjëse të zgjidhë çështje tjera specifike të cilat janë jashtë mundësive dhe kompetencave të Bordit Ekzekutiv.

Neni 9 – Mbledhjet e Asamblesë së Përgjithshme

- 9.1. Asambleja e Përgjithshme do të takohet së paku dy herë në vit në Mbledhjet e Përgjithshme Vjetore (MPV) ku shqyrtohet dhe miratohet raporti për mjetet, detyrimet, të ardhurat, shpenzimet dhe programet e koalicionit për vitin e kaluar, si dhe plani për mjetet, e detyrimet e parapara, të ardhurat, shpenzimet dhe programet e koalicionit për vitin e ardhshëm.
- 9.2. Asambleja e Përgjithshme mund të takohet gjithashtu edhe në Mbledhjen e Përgjithshme të Jashtëzakonshme (MPJ) kurdoherë që kërkohet nga 2/3 e anëtarëve ose nga Bordi Ekzekutiv. Lajmërimi me shkrim për MPV dhe/ose MPJ duke përfshirë datën dhe vendin e mbajtjes së mbledhjes, së bashku me rendin e ditës për takimin do t'u shpërndahet të gjithë anëtarëve së paku shtatë ditë para ditës së mbajtjes së mbledhjes.
- 9.3. Për mbajtjen e mbledhjes është e nevojshme së paku pjesëmarrja e 3/4 e anëtarëve. Në rast të mos-arritjes së kuorumit në Asamblenë e Përgjithshme, atëherë Bordi Ekzekutiv cakton datën e re të mbledhjes së Asamblesë së Përgjithshme. Në mbledhjen e përsëritur të Asamblesë së Përgjithshme konsiderohet se është arritur kuorumi kur në të janë të pranishëm së paku 2/3 e anëtarëve.
- 9.4. Secili anëtar i organizatës ka një votë në Asamblenë e Përgjithshme.
- 9.5. Vendimet në Asamblenë e Përgjithshme do të merren me shumicën e anëtarëve prezent.
- 9.6. Secili anëtar i Asamblesë së Përgjithshme mund të abstenojë nga votimi ose marrja e vendimit në çfarëdo çështje për të cilën ai ose ajo ka interes personal ose ekonomik.
- 9.7. Organizatat që nuk janë të pranishme për arsye objektive mund t'ia kalojnë votën e tyre me autorizim një përfaqësuesi tjetër që do të marrë pjesë në Asamblenë e Përgjithshme.

Neni 10 – Kompetencat e Asamblesë së Përgjithshme

- 10.1. Përveç kompetencave që ka Asambleja e Përgjithshme sipas statutit, ajo gjithashtu ka edhe këto kompetenca:
- 10.2. Aprovon dhe ndryshon rregulloren me pëlqimin e 2/3 e anëtarëve të saj.
- 10.3. Aprovon pranimin e anëtarësimit të anëtarëve të rinj në koalicion me pëlqimin e 2/3 e anëtarëve të saj.
- 10.4. Asambleja e Përgjithshme zgjedh anëtarët e bordit ekzekutiv të koalicionit, me shumicë të thjeshtë votash (50% + 1).
- 10.5. Asambleja e Përgjithshme harton dhe miraton misionin, vizionin, programet dhe politikat mbi të cilat ndërtohet, drejtohet dhe kontrollohet mbarëvajtja e koalicionit.
- 10.6. Përcakton planet strategjike afatgjate dhe planin e aksionit për Bordin Ekzekutiv.
- 10.7. Mbikëqyr dhe kontrollon aktivitetet e Bordit Ekzekutiv duke analizuar aktivitetet dhe raportet në çdo takim.
- 10.8. Aprovon raportin vjetor të aktiviteteve dhe atë financiar të përgatitur nga Bordi Ekzekutiv.
- 10.9. Aprovon buxhetin për vitin e ardhshëm.
- 10.10. Miraton Inventarin vjetor të pasurive të koalicionit.
- 10.11. Aprovon projektet e propozuara nga bordi ekzekutiv.
- 10.12. Takimi është i vlefshëm kur marrin pjesë së paku 2/3 anëtarëve ndërsa vendimet janë të plotfuqishme nëse votohen nga së paku 50% + 1 e anëtarëve pjesëmarrës.
- 10.13. Asambleja e Përgjithshme mund të delegojë ndonjë prej përgjegjësive të tij në Bordin e Ekzekutiv ose ndonjë organ tjetër ose edhe të punësuar të organizatës, me vendimin e shumicës së anëtarëve të tij me përjashtim të atyre të drejtave për të cilat nuk lejohet sipas ligjit për OJQ-të.

Neni 11 – Bordi Ekzekutiv

- 11.1. Bordi Ekzekutiv përfaqëson interesat gjithmonë duke vepruar në pajtim me këtë rregullore dhe politikat e tjera të koalicionit, Bordi Ekzekutiv përbëhet nga 5 persona: Presidenti, sekretari, përgjegjësi për financa dhe 2 anëtarë. Bordi nuk mund të ketë më shumë se një anëtarë nga një organizatë.
- 11.2. Çdo anëtar i bordit ekzekutiv zgjidhet me një afat për një vit me shumicë të thjeshtë nga Asambleja e Përgjithshme. Anëtari ka mundësi të rizgjidhet jo më shumë se 3 herë.
- 11.3. Mandati (kontrata) e punës mund të pushoj: në rast vdekje, dorëheqje ose shkarkim nga detyra.
- 11.4. Anëtarët e Bordit Ekzekutiv mund të shkarkohen para përfundimit të mandatit me votat e MPV-së dhe MPJ-së të Asamblesë së Përgjithshme.
- 11.5. Në rast të vdekjes, dorëheqjes ose shkarkimit të anëtarit të Bordit Ekzekutiv, Asambleja e Përgjithshme duhet të zgjedh pasardhësin për të shërbyer për kohën e mbetur.
- 11.6. Anëtarët e Bordit Ekzekutiv ushtrojnë detyrën e tyre duke u udhëhequr nga mbrojtja e interesave të gjithë anëtarëve të koalicionit.
- 11.7. Anëtarët e Bordit Ekzekutiv janë përgjegjës për dëmin e shkaktuar ndaj reputacionit të Koalicionit.
- 11.8. Secili anëtar i Bordit Ekzekutiv mund të abstenojë prej votimit për marrjen e vendimeve ose për çfarëdo çështje tjetër për të cilën ai ose ajo ka interes personal ose ekonomik.

Neni 12 – Përgjegjësitë e Bordit Ekzekutiv

- 12.1. Mundëson realizimin e veprimtarisë së përditshme dhe ekzekuton programet e përcaktuara nga Asambleja e Përgjithshme.
- 12.2. Përgatit draftin e programit vjetor të aktiviteteve të koalicionit dhe raportin buxhetor, i cili paraqitet në Asamblenë e Përgjithshme për aprovim.
- 12.3. Administron fondet e përcaktuara nga Asambleja e Përgjithshme.
- 12.4. Vendos marrëdhënie bashkëpunimi me organizata të tjera kombëtare dhe ndërkombëtare.
- 12.5. Harton projekte dhe programe për përmbushjen e qëllimeve dhe objektivave të koalicionit, projekte këto që duhet të aprovohen fillimisht nga Asambleja e Përgjithshme.
- 12.6. Bordi Ekzekutiv mblidhet së paku një herë në muaj. Në raste të caktuara Bordi Ekzekutiv mund të mblidhet sipas nevojës.
- 12.7. Vendimet e Bordit Ekzekutiv janë të vlefshme kur ato merren nga shumica e të gjithë anëtarëve të bordit ekzekutiv.
- 12.8. Bordi Ekzekutiv mund të mbledh rekomandime nga takimet e bëra, mund të identifikojë anëtarët për zbatimin e aktiviteteve të caktuara, të bëjë propozime dhe vendimi merret nga asambleja e përgjithshme.
- 12.9. Bordi Ekzekutiv mund të vendos t'i drejtohet për çfarëdo çështje Asamblesë së Përgjithshme për marrje të vendimit.
- 12.10. Bordi Ekzekutiv duhet të kërkojë nga asambleja e përgjithshme të krijojë bord këshillues dhe mund të konsultohet me Bordin Këshillues në lidhje me vendimet apo aktivitetet, kur këto vendime mund të ndikojnë në marrëdhëniet në mes të Koalicionit dhe institucioneve qeveritare dhe organizatave të ndryshme lokale dhe ndërkombëtare.

Neni 13 – Presidenti

- 13.1. Presidenti kryeson Bordin Ekzekutiv dhe është përgjegjës për transparencën e vendimeve të marra nga Bordi dhe për përfaqësimin e Koalicionit me palët e treta.
- 13.2. Ai mbledh asamblenë e përgjithshme sipas planit të pranuar gjatë takimit fillestar dhe me
- 13.3. ndihmën e anëtarëve tjerë të bordit. Ai së bashku me anëtarët e tjerë të bordit ekzekutiv draftojnë rendin e ditës të takimit të Asamblesë së Përgjithshme.
- 13.4. Ai mund të thërrasë mbledhje të jashtëzakonshme të Asamblesë së Përgjithshme për arsye tejet urgjente.
- 13.5. Ai konsultohet me Bordin Këshillues lidhur me vendimet dhe çështjet për të cilat anëtarët e Bordit Këshillues kanë njohuri dhe ekspertizë.

Neni 14 – Zyrtarët dhe Nëpunësit

- 14.1. Në rast nevojë Bordi Ekzekutiv do të emërojë Zyrtarë ose të pranojë persona që të marrin
- 14.2. përsipër kryerjen e detyrave të organizatës. Kohëzgjatja e punësimit të tyre duhet të caktohet nga Bordi Ekzekutiv, për të cilat Asambleja e Përgjithshme duhet të vendos me shumicë votash.
- 14.3. Detyrat dhe përgjegjësitë e zyrtarëve dhe nëpunësve përcaktohen në bazë të përshkrimit të punës.
- 14.4. Zyrtarët duhet të punësohen përmes marrëveshjes së shkruar e cila detalizon të gjitha të ardhurat
- 14.5. dhe të mirat e tjera që duhet t'i paguhen Zyrtarit. Të gjitha pagesat duhet të jenë të arsyeshme dhe duhet të paguhen vetëm punën e kryer për organizatën.

KREU III: ANËTARËSIMI

Neni 15 – Anëtarësimi

- 15.1. Anëtarët e rinj duhet të përmbushin kushtet e më poshtme për tu anëtarësuar:
- Të kenë jo më pak se 2 vjet eksperiencë si organizata.
 - Të ndajnë të njëjtin mision dhe vizion me koalicionin.
 - Të kenë angazhimin për të marrë pjesë aktivisht në aktivitetin e Koalicionit.
- 15.2. Procedura:
- OJQ kandidate duhet të adresoj një letër zyrtare duke e kërkuar kandidaturën e saj dhe duke certifikuar identitetin e organizatës.
 - OJQ kandidate duhet të dorëzojë kopjet e dokumentit të regjistrimit në Kosovë dhe kopjen e statutit të saj.
 - OJQ kandidate duhet të sjell së paku një raport për punën aktuale.

- 16.1. Anëtarët mund të heqin dorë në çdo kohë nga anëtarësimi duke e shkruar një letër dorëheqjeje tek Bordi Ekzekutiv në afat kohor paraparak një mujor.
- 16.2. Bordi Ekzekutiv duhet të përgatisë një shkresë me anë të së cilës të pranojë largimin e anëtarësisë së një organizate.

Neni 17 – Përfundimi dhe Mbrojtja e Anëtarësimit

- 17.1. Vendimi për t'i dhënë fund një anëtarësimi pa pëlqimin e anëtarit, mund të bëhet në rastet e mëposhtme:
 - Organizata nuk i ka përmbushur detyrimet e veta.
 - Anëtari nuk i përmbush kriteret e anëtarësimit.
- 17.2. Anëtarët e Asamblesë së Përgjithshme do të sjellin vendimin për dhënien fund të një anëtarësimi pa pëlqimin e anëtarëve. Kjo siguron paanësinë në procesin e vendimmarrjes dhe kështu krijohen kushtet e nevojshme për mbrojtjen e anëtarit.

Neni 18 – Të Drejtat e Përgjegjësitë e Anëtarëve të Koalicionit

- 18.1. Secili anëtarë ka të drejtën të kërkojë informacion nga Bordi Ekzekutiv rreth punës së koalicionit.
- 18.2. Anëtarët e koalicionit kanë të drejtë të ankohen tek bordi ekzekutiv ose tek asambleja e përgjithshme. Ankimimi duhet të bëhet me shkrim.
- 18.3. Ata mund të kërkojnë që të bëhen pjesë e planit të veprimit, që do të diskutohet në mbledhjen e Asamblesë së Përgjithshme.
- 18.4. Secili anëtar ka të drejtë të kërkojë mbledhje të Asamblesë së Përgjithshme me anë të një kërkesë me shkrim drejtuar Bordit Ekzekutiv. Kjo duhet të specifikojë natyrën dhe arsyen urgjente për këtë kërkesë.
- 18.5. Secili anëtar ka të drejtën të vetë kandidohet apo të propozojë persona të tjerë për t'u zgjedhur si anëtarë të Bordit Ekzekutiv.
- 18.6. Secili anëtar ka të drejtë të kërkojë takime koordinuese. Secili anëtar duhet të marrë pjesë rregullisht në takimet e koalicionit.
- 18.7. Secili përfaqësues pjesëmarrës në takimet e koalicionit të marrë përsipër përgjegjësinë për të ndarë informacionet, me organizatën e tyre dhe t'i informojë për ecurinë e Koalicionit.
- 18.8. Çdo anëtarë do t'u përmbahet limiteve kohore të vëna gjatë takimeve p.sh. të kthejë përgjigje lidhur me dokumentet e dërguara, me anë të postës elektronike (e-malit) ose mënyrave më të përshtatshme që vendosen gjatë takimeve.

KREU IV: RREGULLIMI EKONOMIK I KOALICIONIT

Neni 19 – Financimi i Koalicionit

- 19.1. Financimi i Koalicionit do të sigurohet nga të ardhurat dhe financimi nga donatorë të ndryshëm vendorë ose ndërkombëtare, programet e financuara nga organizata ndërkombëtare, fondacionet vendase dhe të huaja.
- 19.2. Të ardhurat sigurohen nga veprimtari të vetë Koalicionit.

Neni 20 – Administrimi i Financave

- 20.1. Rregullat dhe metodat për administrimin financiar janë të përcaktuara me vendim të veçantë të pajtuara nga më shumë se gjysma e anëtarëve të Asamblesë së Përgjithshme.
- 20.2. Bordi Ekzekutiv në përputhje me rregullat e treguara nga Asambleja e Përgjithshme përdor mjetet financiare të Koalicionit, në mënyrë që të shërbejë qëllimet e Koalicionit.
- 20.3. Bordi Ekzekutiv siguron transparencën e të gjitha vendimeve të marra.

Neni 21 – Periudhat e Raportimit dhe Viti Financiar

- 21.1. Bordi ekzekutiv dhe Zyrtarët e emëruar do të paraqesin raporte vjetore para Asamblesë së Përgjithshme, MPV ose kurdoherë që kërkohet nga një MPJ.
- 21.2. Viti financiar i koalicionit do të përputhet me vitin kalendarik.

KREU V: SHPËRBËRJA

Neni 22 – Shpërbërja e organizatës

- 22.1. Asambleja e Përgjithshme me kërkesë të Bordit Ekzekutiv, vendos në lidhje me shpërbërjen e Koalicionit.
- 22.2. Kur të vendos për shpërbërjen e koalicionit, asambleja e përgjithshme do të tregojë emrin e Shoqatës që do të marrë pasurinë e mbetur pasi të jetë liruar nga detyrimet e koalicionit. Shoqata(t) e zgjedhura duhet të kenë qëllime të njejta ose të ngjashme sikurse koalicionit.
- 22.3. Asambleja e Përgjithshme v endos mbi rregullimin e procesit/procedurave të shpërbërjes, bilancin e shpërbërjes dhe heqjen e mandatit të shpërbërësit.
- 22.4. Vendimi për shpërbërjen e Koalicionit merret me kuorumin e 3/4 të votave të të gjithë anëtarëve të pranishëm.

Neni 23 – Ndryshimet e statutit

- 23.1. Statuti i tanishëm mund të ndryshohet me vendimin e dy të tretave të shumicës së Asamblesë së Përgjithshme.

Ky statut është aprovuar në **Prishtinë**

Më **06.04.2011**

Nga themeluesit e koalicionit:

Organizatat

Përfaqësuesi i autorizuar

Ai.Bi.-Associazione Amici Dei Bambini

Ibadete Krasniqi

Assosiation for Social Training, Research and Advocacy

Gani Lluga

Iniciativa 6

Osman Osmani

One To One – Kosova – Qendra e Këshillimit për Familje

Merita Halitaj

Organizata Rinore Akti

Rexhep Gojnovci

Qendra për Mbrojtjen e Viktimave dhe Parandalimin e Trafikimit të Qenjeve Njerzore

Hamijet Dedolli

Shpresa dhe Shtëpitë e Fëmijëve Kosovë

Valbona Qitaku

Terre des hommes

Artur Marku

World Vision International

Jason Evans